

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**Z A K O N
O IZMJENI ZAKONA O NOVČANIM POTPORAMA
U POLJOPRIVREDI I RURALNOM RAZVOJU**

Sarajevo, decembar 2019. godine

PRIJEDLOG ZA DONOŠENJE ZAKONA PO HITNOM POSTUPKU

Predlažemo da se Zakon o izmjeni Zakona o novčanim podrškama u poljoprivredi i ruralnom razvoju donese po hitnom postupku, u skladu sa članom 191. Poslovnika Predstavničkog doma i članom 186. Poslovnika o radu Doma naroda Parlamenta Federacije BiH, koji predviđaju da se zakon može donijeti po hitnom postupku samo ako se tim zakonom uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo izazvati štetne posljedice za Federaciju.

Predloženom izmjenom Zakona o novčanim potporama u poljoprivredi i ruralnom razvoju stiču se uslovi da se osiguraju veća sredstva za poljoprivredu u budžetima narednih godina. Dosadašnja formulacija stvarala je nedoumice u smislu šta se ustvari smatra ukupnim primitcima u odnosu na budžet. Novom formulacijom člana 3. stav (2) otklanjaju se naprijed navedene nedoumice te se jasno precizira da se visina novčanih sredstava određuje procentualno u odnosu na prihode budžeta Federacije Bosne i Hercegovine, koji ne obuhvataju doprinose za penzijsko i invalidsko osiguranje kao i tekuće transfere i donacije.

ZAKON O IZMJENI ZAKONA O NOVČANIM PODRŠKAMA U POLJOPRIVREDI I RURALNOM RAZVOJU

Član 1.

U Zakonu o novčanim podrškama u poljoprivredi i ruralnom razvoju („Službene novine Federacije BiH“ broj 42/10), u članu 3. stav (2) mijenja se i glasi:

„(2) Visina novčanih sredstava iz stava (1) ovog člana je od 3 do 6 % poreznih i neporeznih prihoda, koji ne obuhvataju doprinose za penzijsko i invalidsko osiguranje, budžeta Federacije.

Član 2.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

O B R A Z L O Ž E N J E

I-USTAVNI OSNOV

Ustavni osnov za donošenje ovog Zakona sadržan je u odredbi tačke c.) Amandmana VIII na Ustav Federacije Bosne i Hercegovine, prema kojoj je u isključivoj nadležnosti Federacije utvrđivanje ekonomske politike, uključujući planiranje i obnovu, te politiku korištenja zemljišta na federalnom nivou.

II-RAZLOZI ZA DONOŠENJE

Zakon o novčanim podrškama u poljoprivredi i ruralnom razvoju („Službene novine Federacije BiH“, broj 42/10) do sada nije mijenjan i dopunjavan. U primjeni je od januara 2011. godine i primjenjuje se u kombinaciji sa Zakonom o poljoprivredi u Federaciji Bosne i Hercegovine koji je krovni poljoprivredni zakon (*Lex generalis*).

Planom rada Ministarstva i Vlade Federacije BiH u pripremi je izrada novog Zakona o poljoprivredi i novog Zakona o novčanim podrškama. Imajući u vidu da se radi o zakonima čija je priprema izuzetno složena radi usklađivanja sa regulativom EU, te za koje je u skladu sa važećim propisima neophodno uraditi sveobuhvatnu procjenu uticaja, te provesti složeni postupak konsultacija jer ovi zakoni imaju značajan uticaj na javnost, jer promjene koje je potrebno napraviti u novim zakonima će uticati na veliki broj populacije (sve poljoprivredne proizvođače), nismo u potpunosti još završili postupak pripreme novih zakona.

Vlada Federacije Bosne i Hercegovine je, na sjednici održanoj 28.11.2019. godine, prilikom utvrđivanja Prijedloga Budžeta Federacije Bosne i Hercegovine za 2020. godinu utvrdila Izmjene i dopune tri zakona koji će imati uticaja i u direktnoj su vezi sa Budžetom za 2020. godinu. U prijedlozima Budžeta Federacije Bosne i Hercegovine za 2020. godinu i Zakona o izvršavanju Budžeta za 2020. godinu integrisan je Federalni zavod za penzijsko-invalidsko osiguranje, sa statusom budžetskog korisnika.

Prema tome u cilju planiranja i odobravanja sredstava za podrške u poljoprivredi i ruralnom razvoju nameće se potreba da se što hitnije izmjeni i dopuni član 3. stav (2) navedenog Zakona kako bi se revidirala izdvajanja za poljoprivredu.

Predloženom izmjenom Zakona o novčanim podrškama u poljoprivredi i ruralnom razvoju stiču se uslovi da se osiguraju veća sredstva za poljoprivredu u budžetima narednih godina. Dosadašnja formulacija stvarala je nedoumice u smislu šta se ustvari smatra ukupnim primitcima u odnosu na budžet. Novom formulacijom člana 3. stav (2) otklanjaju se naprijed navedene nedoumice te se jasno precizira da se visina novčanih sredstava određuje procentualno u odnosu na prihode budžeta Federacije Bosne i Hercegovine, koji ne obuhvataju doprinose za penzijsko i invalidsko osiguranje kao i tekuće transfere i donacije.

III-FINANSIJSKA SREDSTVA

Za realizaciju ovog Zakona nije potrebno izdvajanje dodatnih sredstava iz Budžeta Federacije BiH.